

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება № 01-09/880**

ქ. ბათუმი

26 დეკემბერი, 2017 წ

„2017-2018 სასწავლო წლის შემოდგომის სემესტრში ადმინისტრაციული რეგისტრაციის გაუვლელობის გამო ბსუ-ს სტუდენტთა სტატუსის შეჩერების შესახებ აქტის გამოსაცემად ადმინისტრაციული წარმოების დაწყების შესახებ” ბსუ-ს რექტორის 2017 წლის 12 დეკემბრის №01- 09/861 ბრძანებაში ცვლილების შეტანის შესახებ

საქართველოს ზოგადი ადმინისტრაციული კოდექსის 53-56-ე, 63-ე მუხლების, „უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13, 66-ე მუხლების, ბსუ-ს წარმომადგენლობითი საბჭოს 2015 წლის 29 სექტემბრის №06 გადაწყვეტილებით დამტკიცებული „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთა სწავლის საფასურის გადახდის წესის”, „2017-2018 სასწავლო წლის შემოდგომის სემესტრში ბსუ-ს საგანმანათლებლო პროგრამების სტუდენტთათვის ადმინისტრაციული რეგისტრაციის ვადების განსაზღვრის შესახებ” ბსუ-ს რექტორის 2017 წლის 29 აგვისტოს №01-08/64 ბრძანების საფუძველზე

ვ ბ რ ძ ა ნ ე ბ :

1. „2017-2018 სასწავლო წლის შემოდგომის სემესტრში ადმინისტრაციული რეგისტრაციის გაუვლელობის გამო ბსუ-ს სტუდენტთა სტატუსის შეჩერების შესახებ აქტის გამოსაცემად ადმინისტრაციული წარმოების დაწყების შესახებ” ბსუ-ს რექტორის 2017 წლის 12 დეკემბრის №01- 09/861 ბრძანების შევიდეს შემდეგი სახის ცვლილები:

ა) ბრძანების მეორე პუნქტი ჩამოყალიბდეს შემდეგი რედაქციით:

„2. დაინტერესებულ პირებს - სტუდენტებს ადმინისტრაციულ წარმოებაში მონაწილეობის უზრუნველყოფის მიზნით განემარტოთ, რომ შეუძლიათ არაუგვიანეს 2018 წლის 8 იანვრისა, ბსუ-ს კანცელარიის მეშვეობით წარმოადგინონ წერილობითი მოსაზრებები გამოსაცემ აქტთან დაკავშირებით.”

ბ) ბრძანების მე-5 პუნქტი ჩამოყალიბდეს შემდეგი რედაქციით:

„5. ფინანსური დავალიანების მქონე ბსუ-ს სტუდენტთა მიმართ ბსუ-ს სტუდენტის სტატუსის შეჩერების შესახებ ბრძანება გამოიცეს 2018 წლის 8 იანვრის შემდეგ, ჩატარებული ადმინისტრაციული წარმოების შედეგად.

2. ეთხოვოს ბსუ-ს ფაკულტეტების დეკანებს არაუგვიანეს 2018 წლის 4 იანვრისა წარმოადგინონ მონაცემები იმ სტუდენტების შესახებ, რომლებსაც 2018 წლის 29 დეკემბრის მდგომარეობით არ ექნებათ გადახდილი 2017-2018 სასწავლო წლის

შემოდგომის სემესტრის სწავლის საფასური (მეორე და მესამე ეტაპზე გადასახდელი თანხა).

3. ბრძანება დაეგზავნოს ბსუ-ს ფაკულტეტებს და შესაბამის სტრუქტურულ ერთეულებს.
4. ბრძანება საჯარო გამოქვეყნების მიზნით გამოქვეყნდეს ბსუ-ს ვებგვერდზე.
5. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).
6. ბრძანება ძალაშია გამოცემისთანავე.

რექტორი, ასოცირებული პროფესორი

გ. ხალვაში